



UNIVERSITÄTS-
BIBLIOTHEK
PADERBORN

Paraenesis De Eleemosyna

Alardus <Aemstelredamus>

[Köln], 1545

VD16 A 1250

Pauperum non simpliciter appellari.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

DE ELEEMOSYNA.

piendum est, sed in bonam, quādo enim inimicis nostris præbemus beneficia, maliciam eorum nostra bonitate superamus, & molliamus duritiā, iratūq; animum ad mollicitē & beneuolentiā fleximus, atq; ita congregamus carbones super capita eorum, de quibus scriptum est: Sagittæ potentis acutæ, cum carbonibus defolatorijs, ut quomodo de altari a Seraphin carbo sublatus, Prophetæ labia purgant: ita & inimicorum nostrorum peccata purgentur, & uincamus in bono malum, & benedicamus maledicentibus, & imitemur patrem nostrum, qui solem suum oriri facit super bonos & malos, & pluit super iustos & iniustos.

Pauperem non simpliciter appellari.

Porro autem operæ precium fuerit priusquam ostendamus, quanam sint sancti illi pauperes ostendere, quis in genere dicatur pauper. Quisquis autem alieno indiget auxilio pauper est, eidemq; per quam necessaria est misericordia. Græcis appellata eleemosyna, quæ non in sola pecuniarum largitione (ut male sibi uulgus per suadet) consistit. Verum in quouis opere quo humanæ succurritur inopiæ. Nec item solum pauperes sunt, qui destituuntur pecunia, sed quotquot uel uiribus corporis uel sanitate uel ingenio iudicioque, breuiter, omnibus fortunæ commodis. Ad hunc ordinem referendum est fortasse, quod est in Apocalypsi, Quia dicis quod diues sum & locupletatus, & nullius egeo, & nescis quia tu es miser, & miserabilis, & pauper, & cæcus, & nudus, Hieronymus in Mat-

DE ELEEMOSYNA.

thæ ū cap. 25. Amē dico uobis, quādiu fecistis uni de
fratribus meis minimis, mihi fecistis, &c. Libera no-
bis erat intelligentia, q̄ in om̄i paupere, Ch̄s esuri-
ens pasceret, sitiens potaret, hospes induceretur in
tectum, nudus uestiretur, infirmus uisitaretur, clau-
sus carcere haberet solatiū colloquentis. Sed ex hoc
qd̄ sequit̄: Qñ fecistis uni de his fratribus meis mi-
nimis, mihi fecistis. non mihi uidetur dixisse gñali-
ter de pauperibus, sed de his qui pauperes spū sunt,
ad quos tendens manum dixerat: Fratres mei, & ma-
ter mea hi sunt, q̄ faciunt uoluntatem patris mei.
Hierony. in Esaiā lib. 2. cap. 3. Rapina ait pauperis
in domibus ur̄is. Pauperem uel simpliciter accipe q̄
indiget eleemosyna, uel certe pauperem spiritu, de
quo scriptum est: Beatus q̄ intelligit super egenum
& pauperem. Et Paulus Apostolus: Tantum, inq̄r,
ut pauperum memores essem. Ex sermone 4. ad fra-
tres in heremo falso adscripto Augustino, sic fere
uulgo citant̄ paupertatis species. Sunt enim quinque
gñæ paupertatis: Prima est infelicitas, secunda est
paupertas cupiditatis, Tertia paupertas superfluita-
tis, quarta dolositatis, quinta paupertas uolūtatis.
Primam habet mendicus, secundam habet auarus,
tertiam habet prodigus, quarta est paries dealba-
tus, quintam habet uir cōpeditus. Prima est flagel-
lum, secunda est uenenum, tertia est uentilabrum,
quarta est umbraculū, quinta edificium. Prima est
miseria, quia cruciat: secunda est uenenosa, quia ne-
cat: tertia est uentosa, quia inflat: quarta dolosa,
quia dissimulat: quinta gloriosa, quia coronat.

E ij

DE ELEEMOSYNA.

Ambrosius libro 2. officiorum, capite 28. Quod dū
quererentur à diuo Laurentio thesauri ecclesie, p-
misit se demonstraturum. Sequenti die ubi paupe-
res in rem præsentem adduxit, denuo igitur inter-
rogatus, ubi essent thesauri, quos promiserat, osten-
dit pauperes, dicens: Hi sunt thesauri ecclesie, &
uere thesauri, in quibus Christus est, in quibus &
Christi fides est. Basilus in quæstionibus compen-
dio explicatis, quæstione 205. Hi pauperes sunt spi-
ritu, qui non ob aliam causam pauperes facti sunt,
sed propter doctrinam domini qui dixit, Vade, uen-
de omnia quæ habes, & da pauperibus. Si uero qs
etiam quomodocūque accedentem paupertatem su-
sceptam gubernet ad uoluntatem dei, uelut Lazarus,
neque hic a beatitudine alienus est. Basilus in P sal-
mam 33. concione nona: Iste pauper clamauit, & do-
minus exaudiuit ipsum. Non semper laudabilis est
paupertas, sed quæ ex proposito iuxta euangelicū
scopum peragitur. Multi enim sunt pauperes opu-
lentia, uerum proposito auarissimi existunt, quos
non indigentia saluat, sed propositum condemnat.
Non igitur indigus omnino beatus est, sed qui man-
datum Christi mundi thesauris præfert. Hos domi-
nus beatos prædicat, dicens: Beati pauperes spiri-
tu, non pauperes secundum opulētiam, sed quia pau-
pertatem ex anima præelegerūt. Nihil enim ex in-
uoluntarijs beatum est, quia propter omnis uirtus
maxime omnium uoluntario, uelut proprio chara-
ctere exprimitur ac cognoscitur. Iste igitur, inqt,
pauper clamauit. Demonstratiua uoce ad pauperē
secundum deum, & esurientem ac sitientem, & nu-

DE ELEEMOSYNA.

dum, prouocat mentem tuam. Iste pauper tantum,
non digito ostendens hæc Christi discipulus.

Chrysoftomus in Lucam capite 16. Habet & paupertas martirium suum, & egestas bene tolerata facit martirium, sed egestas propter Christum, nõ propter necessitatẽ. Cæterũ quanti pauperes sunt, & diuites esse desiderant, & scelera faciunt? Non ergo paupertus simplex beatum facit, sed paupertas propter Christum: fides, famẽ non timet. Qui Christum amat, non timet famem, qui Christum habet, omnes secum diuitias habet. Augustinus de tempore sermone 110. feria quarta post dominicam passio. sermone 1. Qui enim dicuntur pauperes & sunt, in quos à deo mandat, ut eleemosynæ fiant, de quibus fatemur scriptum: Include eleemosynam in corde pauperis, & ipsa orabit pro te dominum. Abundat quidem hoc genus hominum. sed altius intelligendus est iste pauper, de quo dictum est: Beati pauperes spiritu, quoniam ipsorum est regnum cælorũ. Sunt pauperes non habentes pecuniam, uictum quotidianum uix inuenientes, alienis operibus misericordia sic indigentes, ut etiam mendicare non erubescant, sed si de his dictum est, Tibi derelictus est pauper: nos quid facimus qui hoc non sumus? Ergo nos qui Christiani sumus, non sumus deo derelicti? Et quæ alia nobis spes est, si non sumus illi derelicti, qui nos non dereliquit? Discite ergo esse pauperes, & deo relinqui o compauperes mei.

Qui sunt pauperes & inopes.

Augustinus in Psalmum 93. Propter miseriam inopum & gemitum pauperum, nũc exurgã

E iij